

Dissertatio inauguralis medica de lochiis / [Johann Georg Urban].

Contributors

Urban, Johann Georg.
Juch, Hermann Paul, 1676-1756.
Universität Erfurt.

Publication/Creation

Erfordiaae : Typis Jo. Christoph. Heringii, [1749]

Persistent URL

<https://wellcomecollection.org/works/gedmgccp>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

**wellcome
collection**

Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DE

LOCHEIS

QVAM

CONSENSV

INCLYTAE FACVLTATIS MEDICAE

IN ALMA ET PERANTIQA HIERANA,

PRAESIDE

DN. D. HERM. PAVLO IVCH

SACRI PALATII CAESAR. COMITE

FACVLT. MED. H. T. DECANO SENIORE ET ASSESSORE PRIMARIO
PATHOL. ATQVE PRAXEOS PROFESS. PVBL. ORD.

SERENISS. SAXON. DVC. VINAR. ET GOTH. CONSILIAR. AVL. ET ARCHIATR
NEC NON ACAD. CAESAR. NAT. CVRIOS. COLLEGA,

PRO LICENTIA

SVMMOS IN ARTE MEDICA HONORES ET
PRIVILEGIA DOCTORALIA

LEGITIME CONSEQVENDI,

PLACIDAE ERVDITORVM DISQVISITIONI SVBMITTIT

AVTOR

IOANNES GEORGIVS VRBANV.


GOERLICIO - LVSATVS.

IN AVDITORIO MAIORI COLLEGII MAIORIS
HOR. CONSVET.

DIE XXIV. DECEMBR. ANNO MDCCXLIX.

ERFORDIAE

Typis JO. CHRISTOPH. HERINGII, Acad. Typogr.



VIRIS

MAGNIFICIS ET CONSULTISSIMIS,
PRAENOBILISSIMIS ATQUE DOCTIS-
SIMIS

CIVITATIS GOERLICIENSIS
EX SEX LVSATIAE VRBIBVS
CELEBRIS

CONSULIBVS
LONGE MERITISSIMIS,

SCABINATVS ASSES-
SORIBVS,

SENATVS IVRISCON-
SULTO,


RELIQVISQVE PATRIBVS
CONSCRIPTIS DIGNISSIMIS,

PATRONIS SVIS OMNI HONORI
CVLTV PERPETVO DEVENERANDIS,

HANC DISSERTATIONEM INAVGVRALEM
SACRAM ESSE CVPIIT

AVTOR.

VIRI
MAGNIFICI, CONSULTISSIMI
AC
PRÆNOBILISSIMI,
PATRONI
SUMMA VENERATIONE COLENDI,

Lures in unum locum conveniunt
causæ, propter quas inauguralem
hunc laborem VOBIS sacrum esse
volui. VESTRIS auspiciis Patria
nea floret, cujus res consilio regitis, integri-
tate tuemini & conficitis virtute. VESTRA
ope ecclesia floret, splendet curia, ac cives
calamitate prohibentur. Cum vero homi-
nes

nes ad Deum nulla re propius accedunt
quam aliis salutem dando; commune civi
officium est, eos venerari, qui omne tempus
in Patriæ salutem conferre, ac semper in spe
culis esse consueverunt. Præter communi
hæc, etiam singularia in Parente meo ac m
VESTRA extant beneficia, quæ ante oculo
los pono, quotiescunque totius vitæ repet
memoriam. Id circo magnum & amplum
semper de VOBIS, VIRI MAGNIFICI A
PRÆNOBILISSIMI, cogitavi, diuque id e
gi, quo modo, quod in animo esset, publico
declararem. Postquam igitur primum Wi
tebergæ & dein, semestri proxime elapso, in
academia Erfordienfi salutari scientiæ ope
ram dedi, ac nunc, examinibus exantlatis, ho
nores ac privilegia in arte medica capeffivi
non mediocri cupiditate hanc, gratum an
imum VOBIS publice significandi, arripui oc

asionem, & si in bonam partem coeptum
neum accipitis; vitæ meæ fructum maxi-
num me cepisse, arbitrabor. Liceat mihi et-
am in posterum omnem spem meam in
VESTRAM protectionem conferre, &
pro salute VESTRA ac patriæ civitatis ar-
dentissimas fundere preces, ut semper quam
felicissime cum splendidissimis familiis VE-
STRIS agatis, usque dum naturam ipsam sa-
tietate vivendi explevistis. Ego vero a VO-
BIS & in posterum in fidem VESTRAM re-
ceptus, animo & studio semper MAGNO-
RVM NOMINVM VESTRORVM cul-
tor ero humillimus.

PRO-



PROOEMIUM

Morbos femellarum bene nosse, multum Medici interesse, facile concedet, qui modo prima praxeos attigit limina. Ubi plurima periclitantur subjecta, eo maxime dirigenda est attentio atque auxilium. Inter mulieres autem magna puerperis minitantur pericula, tam, quoniam ob ipsum partum, imprimis difficiliorem, ut vulneratae sunt considerandae, quam quia a sinistra obstetricum aliarumque vetularum tractatione multa incurrunt damna; his scilicet pruritu eis medicinam offerendi laborantibus. Quem ad modum autem tota puerperarum curatio prudentis Medici auxilium exposcit; sic cum primis lochiorum

rum fluxus legitimam desiderat curam, ab hoc modo non omnis puerperarum salus pendet; eo enim rite succedente, res salvæ sunt, turbato vero pessimus status sequitur, imo interdum conclamatus. Puerperis quibusdam auxilium ferentem usus hoc docuit, de qua re sub tractationis fine dabimus exemplum. Hæc vero præfaminis ergo monere volupe fuit; ut rationem lector pernoscat benevolus, cur dissertationis inauguralis loco hanc exposuerim materiam.

TRACTATIONIS SYNOPSIS.

§. I. Uterus describitur. §. II. Definitio. §. III. Divisio lochiorum suppeditatur. §. IV. de materia excreta. §. V. de tempore. §. VI. de fluxu naturali agit. §. VII. causas legitimi. §. VIII. nimii. §. IX. suppressi. §. X. abortivi enarrat. §. XI. subjecta lochiorum sistit. §. XII. signa legitimi. §. XIII. nimii. §. XIV. suppressi. §. XV. abortivi enumerat, scholio hujus casum proferente. §. XVI. prognosin legitimi. §. XVII. nimii. §. XVIII. suppressi. §. XIX. abortivi sistit. §. XX. dietam præscribit. §. XXI. medicamina legitimo fluxui convenientia, §. XXII. ei noxia ostendit. §. XXIII. fluxus nimii. §. XXIV. suppressi therapiam docet. §. XXV. uteri purgationem. §. XXVI. balneorum & aquarum mineralium usum in statu chronico commendat. §. XXVII. quid fluxus abortivus exigat, patefacit. §. XXVIII. casum subjungit.

§. I.

Uterus est viscus molle, pulposum, totum vasis membranis fibrisque constans, facile extensile nec multum elasticum, fere liberum, vix pressum, dum peritonæo defenditur, figuræ turbinatæ. Habet arterias ex spermaticis, hypochondricis iliacisque internis, anastomosibus inter se in plexus reticulares unitis, incurvatis, totum uterum ambientibus, ultimo evanescentibus; quibus dein arteriæ ex iliacæ externæ ramo in arcum flexæ sursum lateribus uteri applicatæ accedunt. Instructus etiam est uterus simili apparatu & origine venis. In cavitate sua interna non solum pertunditur tubarum Fallopii emissariis, sed & plurimis hiatibus exiguis humorem aquoso-mucosum exsudantibus, quo interne lubricatur & ejus cavitas a concretionibus impeditur. Orificium ejus versus vaginam tendit.

Uteri descriptio.

§. II.

Lochia sunt excretio sanguinis ac humorum serosorum puerperis post partum contingens. Derivatur a *λοχίαιον* parturicio. *Definitio chiorum.*

Schol. Fluxus lochialis abortivus abortum non modo sequitur, sed & antecedit, vel sub actu exclusionis enormiter perumpit.

§. III.

Vario respectu lochia considerari solent, quatenus scilicet sunt legitima, nimia, imminuta, suppressa. Cujuslibet speciei peculiaris habenda est ratio. *Divisio.*

§. IV.

Materia fluxu lochiali excernenda est sanguis ad uterum aggregatus primo purus & multus, subinde grumofus dein dilutus & parcior, tandem viscidus, pallidus, ut lotura carniū, paucus; qui varius quoad copiam, colorem, odorem, tenacitatem, prout diversa puerperæ nutricis vel ablaçantis functio, temperies. Circa finem ejus meræ cujusdam lymphæ nec coloris nec odoris notabilis profluvium succedit.

Materia excreta.

Not. Lochia circa quintum diem gravem spirare odorem, observatum est.

§. V.

Post foetus sine vel cum secundinis vel molæ exclusio-
nem incipit hic fluxus, & per plures dies sæpe in tertiam se-
ptimanam, rarius quartam perdurat.

§. VI.

Fluxus lochiorum naturalis est, si placide, justo tempore
& quantitate evenit. Nimius impetuose fluit; imminutus
minori quam par est quantitate. Suppressus dicitur, si excre-
tio plane non succedit.

§. VII.

Causa fluxus legitimi est plethora tempore graviditatis
collecta, jam a natura proscribenda, a ruptio secundinarum,
uteri substantia, partium adjacentium actio: nam foetu & se-
cundinis dimissis, fibræ uteri, peritonæi, musculorum abdo-
minalium, vasorum, quæ graviditatis tempore erant distentæ,
contrahuntur, & sanguinem expellant. Inter Medicos est
disceptatio, an ex venis vel arteriis potius lochia prorumpant?
vero similis quemadmodum in omnibus hæmorrhagiis, sic etiam
hic posterius est.

§. VIII.

Causa fluxus nimii, præter nimiam sanguinis quantita-
tem & orgasmum, major uteri læsio ab improvida obstetrice
illata; secundinarum deficiens excretio; nec non usus pel-
lentium sub partus difficili exclusione, esse potest.

§. IX.

Suppressionis lochiorum vel partialis vel totalis se-
quentes causæ reperiuntur: I. Motus tonicus alteratus, quo
vel ipsa uteri textura vel exitus ejus occluditur; spasmus enim
post partum aliquamdiu perdurat & fibras constringendo
sanguinis exitum præcludant. II. Orgasmus sanguinis. III.
Refrigeratio corporis, potus frigidus. IV. Abusus calido-
rum

rum

rum remediorum, quo pertinent Myrrhata, Crocata, salia volatilia. V. Animi pathemata. Notandum tamen est, femellas, quibus parci menses fluxerunt, etiam pauca lochia experiri.

§. X.

Abortivum sanguinis profluvium plethora, animi cor- *Fluxus ab*
porisque commotiones fortiores quacunque causa productæ *ortivi.*
& uterus debilitatus in scenam producere queunt.

§. XI.

Fluxus lochialis ordinarii (subjecta sunt femellæ partum *Subjecta.*
excludentes. Lochiorum nimiorum subjecta existunt. I. Plethoricæ. II. Cholericæ-Melancholicæ. III. Animi pathematibus inprimis iræ obnoxia. IV. Quæ vinosa & aromatica diæta utuntur. V. Quæ fluxum mensium antea nimium experta sunt. VI. In quibus secundinæ non rite sunt exclusæ, quæ provenientes legitimæ exclusionis explorandæ causa expandi debent. Imminuti vel suppressi fluxus subjecta reperiuntur: I. animi pathematibus laborantia. II. Quæ turbatam aut plane suppressam purgationem menstruam ante habuerunt. III. Quibus causæ adventitiæ accedunt. Novi exemplum puerperæ viginti quatuor annorum, temperamenti melancholici, infantem recens natum non lactantis, quæ lochiorum suppressionem ex mœrore quo angebatur, perpeffa est.

§. XII.

Legitimæ hujus excretionis signa sunt, si I. sanguis ex *Legitimi fluxus signa*
genitalibus per VIII. XIV. imo plures dies, statim post fœtus & secundinarum expulsionem initium sumens, prioribus diebus stricte dictus, grumosus large fluit. II. Post quartum vel quintum diem excretio hæc cum odore gravi conjuncta est. III. Posterioribus vero diebus loturam carniū humor refert, dein magis magisque flavescens, pallescens. IV.

Si ultima excretio lymphatica existit, neque coloribus infuetis prædita, neque odores spargens.

§. XIII.

mi. Fluxus nimius ex sanguinis effusi quantitate enormi dignoscitur, sanguis rubicundus, floridus maxime est, vulgo dicunt das Herk-Geblüte gehet, vires puerperæ exhauriuntur, lipothymiis corripitur, pulsus evanescit, extremitates frigent, pallor os occupat, faciem Hippocraticam induit aliaque lethifera consuetaria subsequuntur.

§. XIV.

ppressi. Suppressionis lochiorum incompletæ vel completæ signa sunt: I. si sanguis insufficienter ratione quantitatis vel temporis fluit, vel prorsus sanguinis profluvium sufflaminatur. II. Abdomen tensum, durum & tumidum est, cum variis spasms, torminibus & anxietatibus. III. Sensus doloris gravantis, tendentis ac lancinantis infimum ventrem, lumbos & inguina occupantis, sentitur, conjuncto ardore ac pulsatione. IV. Alvus clausa, dolorosa mictio. V. Facies rubore perfusa, tumens est, oculi fulgent, nares interdum guttulas sanguinis stillant. VI. Animus inquietus, somnus nullus vel infomia terrificæ. VII. Respiratio difficillima, lipothymia, convulsiones, deliria &c. Quæ omnia graviora vel leviora sunt, prout scilicet fluxus complete vel incomplete suppressus.

§. XV.

abortivi. Signa fluxus abortivi præter graviditatis indicia hæc sunt: I. Ante abortus exclusionem sanguis ordinare per nonnullos dies modeste profluit, deinde contumaci motu ac enormi copia effunditur. II. Animi vel corporis, vel utriusque simul insignes præcesserunt commotiones. III. Ipsius abortus vel molæ sequitur excretio, conjunctis ut plurimum anxietatibus, lipothymiis nec non spasticis in abdomine doloribus.

Observ.

Observ. Innotuit mihi femina XXXV. circiter annorum, temperamenti cholericici, ad iracundiam prona. Hæc post animi commotionem insignem, febre correpta est biliosa, anxietatibus præcordialibus, siti flagrante excruciabatur. Malus medicus neque studio neque honoribus medicis auctus, acre purgans ei propinabat, cui tot atque tantæ subsecutæ sunt sedes, ut tota viribus exhausta, ultimum se trahere spiritum crederet. In abdomine spasmi inprimis versus genitalia urgebant. In auxilium vocatus, statim an gravida esset, expiscabar; quod vero negabat. Ego autem instabam dicens, graviditate præsentem, abortum, ob insignem alui commotionem, instare, me id ex spasmiss in utero versus genitalia prementibus suspicari. Sanguis inter ea nullus fluebat. Temperantia ac lenem diaphoresin promoventia propinabam. Altero die, abortum foetus circiter trium mensium factum fuisse, nuntius me certiore faciebat. Continuabam temperantia, blande uterum purgantibus conjunctis. Nihilo minus spasmi perstiterunt, & sex diebus post primum abortum, foetus priori paulo major ad dimidiam partem putrefactus cum appertinentibus excludebatur. Fluxus lochialis post priorem ac posteriorem abortum non nimius quidem, sed foetidus erat ac XIII dies durabat, & femina cum sanitate in gratiam reducebatur.

§. XVI.

Fluxus legitime succedens insignis est utilitatis, omnia *Prognosis* symptomata suppressi vel nimii fluxus arcentur, sanguis a *legitimi fluxus.* bundans protruditur, contrahitur uterus ac purgatur, puerperæ valent atque in dies virium capiunt incrementa. Brevis dicam vita ac valetudo maxime ab hoc fluxu legitime succedente, pendent.

§. XVII.

Quando prodigiose sanguis effunditur, mitigatio obti- *Nimis.*
neri

neri nequit, secundinis aut illarum portione retentis. Hinc earum eliminationi legitima opera danda. Profluvio nimio continuante, ægrotantis vires intra paucas horas insigniter exhauriuntur, imo penitus consumuntur, subsequente morte. Interdum tamen nimix lochiales profusiones minus periculum minantur, quam illæ, quæ incongrua arte cito supprimuntur.

§. XVIII.

Confinia quidem sunt symptomata fluxus incomplete vel complete suppressi, prono tamen alveo fluit, graviora ac gravissima de plenarie cohibito esse sumenda. Est vero catalogus eorum sequens: producit imminutio vel suppressio angustias præcordiorum, inquietates, corporis agitationes, cephalalgiam, febres acutas, inflammatorias, purpuram miliarum cum manifesta sæpe malignitate, congestiones ac stases circa collum, pectus & caput, unde angina, aphthæ, afflictiones suffocatorix, syncopticæ, cardialgicæ, vomibundæ aut hæmato-emeticæ, deliria, phrenitis, sanguine enim in abdominis visceribus stagnante, spasticæ in nervosis partibus stricturne suscitantur, quæ inæqualem sanguinis reddunt circuitum, faciuntque ut is cum impetu aliorsum ruat & nimium ibidem congeratur. Hæc vel præcipitem sortiuntur exitum, vel chronicum constituunt morbum, e. g. hecticam, cachexiam, colicam convulsivam, paralytin partium corporis inferiorum, & hanc imprimis, si sanguis per spasmos ad os sacrum copiosius delatus ac ibidem stagnans, tandem serosam portionem per vasorum poros dimittit. Porro efficere potest tympanitem, ascitem. In utero facile varices coarctatis nimium uterinis valis, concrementa polyposa (molæ) nascuntur, ulcerationes relinquuntur cum foetidissimis excretionibus; quibus præsentibus, femellæ miserrimam vitam ducunt. Sequi etiam solent affectus hysterici, mensium ataxia, convulsiones epileptico-hystericæ vel motuum syncopticæ omissiones. Si inflammatio uteri non discutitur interdum putrescere & in corruptionem sphacelofam transire solet; post mortem uterus

*Incomplete
complete
suppressi.*

rus ut plurimum cum vagina durus colorisque ex atro brun-
ni deprehenditur.

§. XIX:

Si fluxus abortum præiens paucus est, nec commotiones *Abortivi.*
ac spasmi graviores sunt, interdum temperantibus, moderan-
tibus ac roborantibus arcetur. Ubi vero sanguis copiose
jam profluxit, ibi abortus impediri nequit, sed & in optimis
cohibentibus ac roborantibus opera luditur, magis igitur e re
ægotantis est, si id, quod mutari nequit, admittitur, ne cum
foetu pereat mater, subsequens lochiorum nimiorum con-
fectariis. Mulier abortum semel perpeffa facile iterum abor-
tiet.

§. XX.

Quantum fieri poterit ab animi pathematibus est absti- *Dieta ve-*
nendum, & quies animo ac corpori danda. Potus neque *spectu lochi-*
calidus neque frigidus sed tepidus offeratur, profunt autem *orum obser-*
decocta hordei decorticati, avenæ decorticatæ, juscula tenuia, *vanda.*
addito momento macis. In lochiis nimis profunt juscula
vinosa, postquam partes spirituosæ in vase aperto per lenem
coctionem avolarunt, addendo dimidiam partem aquæ fon-
tanæ, modicum sacchari, vitellum ovi & paululum croci. Re-
gimen neque frigidum neque nimis calidum sed temperatum
sit, nimio enim calore & stragulorum injectione purpuræ pa-
tescit fenestra. Præter ea ob multas considerationes physicas,
thori usus præmaturus puerperis est interdictus. Cætera ra-
tione diætæ observanda in tractatione therapevtica passim
occurrent.

§. XXI.

Fluxus lochiorum legitimus nulla quidem opus habet *Quid in flu-*
medicatione, ad præcavendos tamen sive excessus sive defe- *xu legitimo*
ctus, aliaque symptomata arcenda pilulæ balsamicæ ad men- *observan-*
tem BECCHERI præparatæ per novem priores dies quotidie *dum.*
ad scrupulum unum propinari possunt, combinatis ter de die
pulveribus temperantibus, v. c. pil. sequentes esse possunt:

℞. Aloës Gummos.
 Myrrh. elect. pp.
 Gummi Juniperi
 Heder. aa ℥j.
 Extract. Absinth.
 Card. Ben. vinos.
 Cochlear. aquos. aa. gr. xvi.
 Fumar.
 Cent. min. vinos.
 Helleb. nigr. aquos. aa. gr. viii.
 Terebinth. Venet. leniter coct. ℥ss.
 Rad. Jalap. pulverifat. ℥ss.
 M. F. l. a. pil. ad pond. gr. j.

Pulvis sequentem in modum concinnari potest:

℞. Tart. Vitriolat.
 Conch. citr. aa. ℥ss.
 Nitri depur.
 Antimon. diaph. aa ℥ij.
 M. D. dosis ℥j.

Præter ea fluxui legitimo promovendo egregie inseruit ligatura abdominis, sic enim musculorum abdominalium ac viscerum actio ad extrudendum sanguinem est major.

§. XXII.

Puerperæ tamquam vulneratæ merito considerantur, quibus ex levissimis causis febres inflammatoriæ accedere possunt; hinc a remediis sanguinem fortiter commoventibus est abstinendum. In super adstringentia evitanda sunt; quia motus salutares exclusionem respicientes, opprimunt; si autem, necessitate urgente, ut infra docebimus, indicantur, parce adhibenda sunt, interpositis temperantibus & diapnoicis.

§. XXIII.

Fluxus nimii therapia. Fluxui lochiorum nimio sequentem in modum obviamitur: I. Ter per diem exhibentur remedia orgasmum sanguinis.

Remedia
nociva

nis temperantia, qualis pulvis supra descriptus fuit. Expansiva autem, spirituosa, ambrata, crocata non sunt admittenda. II. Temperantibus non sufficientibus, moderantia, lenia anodyna, roborantia, ac mitiora cohibentia in usum vocari possunt e. g. Massa pil. de Cynogl. Wildegansf. Millefol. sive in forma infusi sive extracti ad unum alterumve granum, Spec. de Hyacinth. Coralliata, Croc. Mart. Antimoniat. tenerior, Tinct. Vitriol. Mart. Ludov. Cascarella, Potus bene defecatus cum tantillo citri vel nucis Moschat. mixtus. Pulvis HEVRNII etiam hic conducit:

Rz. Sem. Hyosc.

Pap. alb. aa. ʒj.

Lapid. Hæmat.

Corall. rubr.

Nitri aa. ʒβ.

Camphor. scrup. β

M. mane & vespere dosis scrup. j.

III. Quando secundinæ vel in totum vel ex parte restant, usus pilularum ad mentem Becheri præparatarum maximo opere commendandus est. Illarum exclusio etiam promoveri potest per hepar anguillæ ad scrup. j. cum portione analeptica propinatum. Alii commendant pulverem sequentem:

Rz. Hepat. Anguill. ʒβ.

Borac. Venet.

Cinnab. optim. aa. gr. v. M. d. pro dosi.

III. Pro restaurandis viribus analeptica habent locum, in primis species de Hyacintho uti in omni nimio fluxu sic etiam hic laudem merentur; nam præter virtutem tonicam, analepticum quid fovent. IV. Revulsionis ergo venæsectionem in brachio nonnulli suadent, sed ob virium defectum præstat brachium utrumque tepidæ aquæ, cui vini quidquam admixtum, per horæ dimidium immittere, quod remedium etiam efficacius ac utilius reperitur ipsis cucurbitis ventosis ad mammæ applicatis, quas tamen Hippocrates valde commendat.

V. Ut in omni hæmorrhagia præternaturali, ita etiam in hac ventriculi habenda est ratio, optimus cibus est siccus, modicus, salubris, minime dyspeptus & flatulentus. VI. Ad fluxum lochiorum nimium præoccupandum commendatur venæsectio circa instantem partum & quies.

Obs. I. In restaurandis viribus polyphagia nocet; præstat igitur parce sed sæpius cibum capere.

Obs. II. Exsulent remedia valde incrassantia, narcotica & acria expellentia.

Obs. III. Ab adstringentium immoderato usu sæpe exacerbatur fluxus, morbi chronici producuntur, ac perpetuum lymphæ ex utero stillicidium cum intumescencia & tumore duro circa dextrum latus inguinalis regionis. conf. §. XVIII.

§. XXIV.

*Therapia
iminuti
suppressi
tus.*

In imminutione lochiorum interne leniter stimulantia e. g. Pil. Beccherianæ vel sequens Mixtura moderatissimis dosibus exhibenda :

R̄. Ess. Myrrh.

Succin.

Scord. aa ʒj.

Croc. scrup. j. M. Dosis xxv. Gutt. bis de die.

Ad orgasmum & spasmos coërcendos pulveres temperantes & Tincturæ e. g. Flor. Bellid. vel Pap. Rhoead. e re sunt. A calidis vero medicamentis abstinendum est. Externe cataplasmata aut sacculi ex temperatis vegetabilibus resolventibus & roborantibus, additis oleis lenientibus, croc. oriental. Castor. Abdomen, quantum est, etiam linimento ex olei Aneth. chamæmel. & lil. alb. aa. ʒj. olei Carv. drachm. ij. vel etiam Camph. drachm. j. supposita mappula complicata calefacta illiniri potest. Hæc externa quoque in fluxu prorsus suppresso conferunt. Si lochia prorsus sufflaminata, fluxum directe & per stimulantia revocare, in primis si suppressio jam per aliquot dies duravit, non est satis securum; convenit potius ætuationes febriles per pulveres temperantes & potiones diapnoicas

diapnoicas ex aquis destillatis præoccupare. Pro potu ordinario dari potest tenue insculum ex pullo gallinaceo, Rad. Scorz. Cichor. Rasur. C. C. addito ad gratiam succo aurant. Præsente plethora, venæsectio in pede instituat. Cel. HOFFMANNVS *in therap. spec. s. 1. c. 9. §. 9.* inquit: in puerperis venæsectio necessaria, quando lochiis retentis symptomata purpuram comitantia ejus incursum prænunciant, siquidem hac ratione sæpius summas præcordiorum anxietates, animi defectiones, nec non laboriosa & anxia respiratio feliciter tolluntur, ita ut dein summo cum levamine in universo corpore purpura prorumpat. Præter hæc alvus sit libera, id circo in ejus obstructione clysteres adhibentur ex Butyr. insuls. Melle & Nitro, vel

℞. Rad. Carlin.

Althææ aa. unc. j.

Herb. Mercurial.

Hormin.

Artemis.

Flor. Cham. vulg. aa M℞.

Sem. Carv. drach. ij.

C. decoque cum seri lactis, vel lactis & aquæ s. q.

Colaturæ ℞. unc. j. add. Mellis unc. j℞.

Pingued. Gall. vel Butyr. insuls. unc. j.

Nitri depur. drach. j℞ M.

Si obstructio non diu duravit & aliqua restitutionis spes est, ante omnia temperandi sunt spasmi, uti in imminuto fluxu monuimus, & hic utilis reperitur pulvis ex Lapid. Cancr. & pulver. March. aa. drachm. j. Antimon. diaph. drach. ℞. Nitri gr. xvi. cujus quarta pars pro dosi exhibetur, adjectis, si spasmi impensus urgent, pulveris Castorei gr. iv. Spasmi enim nondum sopitis in pellentibus nulla salus est, illis vero sedatis & commotionibus febrilibus absentibus, licet parce propinare Essent. Succini sine alcali alcoholisatam cum paucissima dosi Ess. croci combinatam. Mallem tamen supra laudatas pilulas ad mentem BECCHERI factas in usum vocare; sunt enim evacuant admodum lenes, & perquam accommodæ,

dum, quod roborando tam intestinorum quam ipsius uteri tonum, ac stimulando ventrem ac intestina fordibus & uterum a stagnante sanguine repurgant, eoque ipso inflammationem & febrem aliaque sæva a recrementis retentis oriunda pathemata optime arcent. Ubi jam præsens inflammatoriz febris, præter venæsectionem, stasis est discutienda, cui scopo inservit Mixtura sequens :

℞. Aquæ Chæref.

Card. Ben.

Scord.

Flor. Samb.

Acac.

Aceti destill. aa unc. jß

Lapid. cancr. drachm. jß

Antim. diaph. drachm. ß.

Spirit. Nitr. dulc. gutt. xx.

Dosis sing. bihor. cochlear. ij.

Obs. Opiata quæ ad spasmos abdominis compescendos in usu sunt, lochia potius supprimunt & afflictiones adaugent.

§. XXV.

De uteri purgatione.

Octiduo vel quatuordecim diebus præterlapsis, viribus que refocillatis, ad ulteriorem uteri purgationem & ad impediendas molas, infusum hoc per epicrasin laxans & uterinum commendari meretur

℞. Rad. Pimp. alb.

Carlin.

Levisf. aa. drachm. vi.

Herb. Marub. alb.

Meliss.

Rorismar.

Serpill. aa Mj.

Flores Salu.

Cham. Rom. aa Mß

Sem. Fœnic. ʒiij.

Cort. Citr. drachm. vi.

Rad.

Rad. Bryon.

Elleb. nigr. aa unc. j.

Rhabarb. orient. unc. β.

Fol. Sen. s. stip. drach. vi.

Agaric. alb. drachm. vj.

Salis Tart. drach. ij.

M. c. gr. m. F. Spec. cum mensura j. aquæ ferventis & Miß. vini albi infundendæ, & singulo mane legitima quantitate hauriend.

§. XXVI.

Si malum a viscerum obstructione chronicum, cura sine legitimo aquarum mineralium vel acidularum vel thermarum temperatorum usu rarius ex voto succedit. Expediit vero medicamentis balsamicis hanc curam adjuvare, & exterius etiam ad viscerum tonum restituendam, ipsumque uterum debilitatum, silente fluxu, roborandum, balneo aquarum subadstringentium v. c. Lauchstadiensium uti.

*De balneo
& aquis mineral.*

Observ. II. In tota hujus morbi curatione, vigilandum est, ne obstetrices & aliæ mulieres illotas medicatrices admoveant manus, pessime enim ineptis suis consiliis ægrotantibus plerumque consulere solent.

§. XXVII.

Fluxus abortivus eandem exposcit medicationem quam nimius. Ubi profusio sanguinis lethalem exitum minatur, & lipothymici affectus superveniunt, exclusio foetus vel molæ pilulis balsamicis Beccheri vel similibus promovenda est, quæ prius solvi & post XII horas repeti possunt, vel si ad manus non sunt, hepar anguillæ. Abortu & secundinis expulsis, mitigatio fluxus tentetur per temperantia, moderantia ac roborantia. Hæmorrhagia sedata, dentur discutientia interna e. g. Mixtura tonico-nervina Stahlî vel Ess. Alex. cum Ess. Millefol. Recursus abortus avertitur, si quies corpori ac animo conceditur, sanguis circa tempus abortus mittitur, & extra graviditatis statum omnia probe observantur, quæ legitimum mensium fluxum promovere possunt.

*Therapia
fluxus abortivi.*

§. XXVIII.

sur. Sub fine tractationis casum de lochiis suppressis jam enumerare libet, ex quo quantum in iis periculum sit patebit: puerpera triginta sex annorum temperamenti sanguinei, ex terrore primo imminutionem, dein suppressionem lochiorum perpeffa est. Huic suppressioni abdominis tumor, dolor, nec non ad dextrum latus supra os pubis tumor, insomnia, non febris accessit. Ad hanc post nonnullas septimanas accessit, interne temperantia & infusa resolventia, cum pil. Beccheri propinavi. Externe tumori imposui cataplasmata resolventia & emollientia, conjunctis propter alvum seigniorum, clysteribus. His factis, abscessus brevi rupit, & statim circiter tres puris libræ profluxerunt. Vulnus sex hebdomates apertum servavi, & denique post, sufficientem mundificationem, consolidavi, ægrota cum valetudine secunda in gratiam perfecte reducta.

§. XXIX.

Speciminis inauguralis loco, hæc de lochiis tradita mihi sufficere videntur. Nihil igitur restat, quam ut tibi, B. L. quævis fausta appreçemur & nos nostrum laborem benevolentiaæ tuæ commendemus.



PRAENOBILISSIMO ATQVE DOCTISSIMO DOMINO,
DOMINO
IOANNI GEORGIO VRBANO

MED. CAND. DIGNISS.
AMICO DILECTISSIMO

S. P. D.

IOANNES GVILIELMVS BAVMER,

PHIL. ET MED. DOCTOR.

Amici officio parum fungerer, nisi de doctorali honore Tibi gratulans, successus conaminibus Tuis felices optarem. Duplex hoc a me exigat ratio, tam, quia lectionibus meis diligenter interfuisti, quam, hospitio proprio nexu Te mecum conjungente. Hic Te talem vitae integritate praebuisti, ut, illa veritate, tantum laudis Tibi impertire possem, quantum viro bono debetur. Diutius quidem consortium Tuum optassem, nisi res Tuae domesticae aliud juberent. Lares igitur repententi, ad futuram praxin, propriam opto ac perpetuam fortunam, meque etiam in posterum amicitiae Tuae commendo.

Dabem XI ante Cal. Januar. MDCCL.

Seehrter Freund, ein Vaterland
Verbindet unser Freundschafts-Band.
Dein Fleiß und unverfälschter Sinn
Nimmt nun den guten Lohn dahin.
Man giebet Dir den Doctor-Huth;
So regt sich Deines Freundes Blut,

Und

Und wünschet Dir viel tausend Heil,
Zu einem Eigenthum und Theil.
Eure glücklich! glaub dabey,
Daß meine Freundschaft ewig sey.

Mit diesem wolte dem Herrn Docto-
randen Glück wünschen

Carl Christian Acoluth

Phil. & Med. Cand. Opponens.

Freund, den Hygäa jetzt mit ihrem Lorbeer kränzet
Da Deines Fleißes Frucht um Deine Scheitel glänzet;
So höre hier geneigt, was meine Muse spielt,
Die durch den Mund verräth, was sie im Busen fühlt:
Zuech hin mit diesem Lohn, den Dir Dein Fleiß gewähret,
Mit Aesculapens Krafft sey Deine Kunst vermehret,
Der Seuchen blasses Heer, des todes Mordgesellen,
Soll, scheuch vor Deinem Kranz von Dir zurücke prellen!
So wird mein Wunsch erfüllt, so weiß ich Dich beglückt,
Ob uns des Schicksals Macht gleich von einander rückt.

Hiermit hat die Ehre dem Herrn Do-
ctoranden seine Ergebenheit zu be-
zeugen, und sich ein geneigtes Wohl-
wollen anzubitten

Desselben

gehorsamster Diener

C. M. Wieland, aus Schwaben

Phil. & J. U. Studiosus

*

*

*